

唐
文
粹

文萃卷第三十二

文丙總九首

吳興姚

鉉

纂

弔古

許由先生廟辭文

弔夷齊文

書師曠廟文

雷霆

上天鼓文

軍政

祭壽縣文

畏塗

招北客文

祛厲

送窮文

責儆

責龜文

檄曲江永伯文

許先生潁陽祠庭獻辭文

柳識

壬辰歲夏四月客有自洛東遊至先生遺廟而潁水古風舊山歸

然道懷古蹤慕美至道以時酒敬辭于靈既酌既拜獻乎言曰

天清既能久地靜不能朽先生清靜天地全性出於胚渾入於鴻

蒙雲遊鳥還翁鬱和風當時帝道已半濫章欲深大樸散於人未

散於山林乃有以巢父者具同心堯齋公器退然見推遇聖相感不

得不知耳雖濯於清流道終播於無為所謂春膏時蒸朽葉自滋

先生含德唐堯發之潁陽之仁德日大天下之祿利日卑且聖王
所重者名器至人所重者感通推以大名義同讓終廉能感俗道
自爲功任應會之偶然生垂後之清風人登雲嶺多憶箕潁猗歟
先生山水齊名茲焉遺廟萬古共馨

弔夷齊文

柳識

洪河之東兮首陽亭崇側聞孤竹二子昔也餒在其中偕隱胡爲
得仁而死青苔古木蒼雲秋水竟兮來何依兮去何止撥澗磳之
毛薦精誠而已初先生鴻逸中州鸞鳳伏西山顧薇蕨之離離歌唐
虞之不還謂易暴兮文武謂墨緣兮胡顏一吐兮忘飢若有謂兮
子巖之關豈不以冠弊在於上履新處於下且曰一人之正位孰
知三聖之純嘏讓周之意不其然乎是以知先生所恤者偏矣當
昔夷羊在牧殷網解結乾道息坤維絕鯨吞鯨兮鬼孽王奮畧武
天意若曰覆昏暴資濟哲於是三老歸而八百會一戎衣而九有
截況乎旗錫黃鳥珪命赤鳥俾荷鉅橋之施俾申姜里之辜故能
山立雨集電掃風驅及下車也五刃不礪於武庫九驥伏轅於文

途雖二士不食而兆人其蘇旣而溥天周二率土周人于嗟先生
此將奚臻萬姓歸仰方獨鬱鬱乎方寸六合莽蕩兮終踣乎一身雖
忤時而過周終臣心而惻殷所以不食其食求仁得仁然非一端
事各其志若旁通以阜厥躬應物以濟其利則焉有貞節之規各
親之事靈乎靈乎雖非與道而保生乃勛爲臣之二

書師曠廟文

袁皓

吟篁怨桐天其聲乎鏘石鏗金天其文乎擊華鳴絲天其暢乎匏
土之韻天其和乎天有至音寄斯八物先生不生斯音鬱鬱先生
旣生斯音在律嗚呼先生之耳時可求也先生之心不可得也天
全樂乎先生之無神乎愚固狂而不可據先生之有神乎愚堅誠
而乞其圖先生之耳有神乎化爲天下之耳先生之心有神乎化
爲天下之心者可以舒於今然後家家知舜琴

上天鼓文

程浩

雷車闐闐六合喧吼驟風雨於南極簇星雲於北斗遑俄選慶東
海以波蕩擺大山而瓜剖玉石至堅切如泥寧松栢至勁粉爲枯

朽鼉皮擊考而魍魎睽睽龍領觝觸而鯨鯢奔走陶鑄造化之鑪
而鴻毛萬像幹運乾坤之柄而嬰孩羣有由是言則九鼎瑣細三
山培塿鼎足可以指揮蓬萊可以背負殊不測離蒼天之近遠當
懼驚馬魂在玄雲之幾重徒勞矯首及夫白日兩歌長虹霽後列缺
緩轡玄貝假手蓄殘怒之未洩聞餘音之良久而小子之繆學敢
獻疑於座右今若爲善惡之宰主操賞罰之休咎胡不扶持顏閔
之殯行天闊跼蹐之龜壽罪一亂臣懲天下之凶醜旌一孝行激
天下之悌友法高懸於堯典刑不誡於周后何必霹靂潛靈之
龍養育吠堯之狗

祭壽縣文

獨孤及

天地不仁神明無親惟正是與若響之答敢有象恭滔天構豐稱
亂國有明罰神其捨諸賊臣劉展假寵多難敢包狼心竊發萬毒
將敷虐于我上下神祇使東溟揚波群動皆墊皇帝震怒按劍授
鉞命我上將底天之伐於是有虎牙鷹鳥揚之臣蛇矛犀渠之群橫
行而東我伐用張月羽雲旗以先啓行方將歷潯陽下南陵收京

口掃建業新梟獍以豐鼓封鯨鯢爲京觀俾萬里浪破三象霧廓
今以令月吉日整駕即路是用徵福于爾有神惟神降哀尚弼予
志敢告無麻非旗無絰駢無次輶無僨車命五將護野萬靈並獻令
天地分授望風掃除魑魅魍魎罔不壹俾莫我敢遏爲神祇著尚饗

招北客文

蜀之先曰盤瓠最芳縱其目以稱王當周室陵頽兮亂無紀綱泊乎
杜宇從天而降龍靈沅江而上相禪而帝據有南國之九世蜀本
南夷人也皆左其衽而椎其髻及通乎秦也始於惠王之代五牛
琢而秦女至一蛇死而力士斃二江雙注群山四蔽其地卑陋其
風腴脆蠻貊狼麋滇蠻爲隣地偏而兩儀不正寒薄而四氣不均
花葉再榮秋冬如春暮夜多雨朝旦多雲陽景罕開陰氣恒昏以
暑以溼爲瘴爲癘氣沍蟄以中人吾知重膂之疾兮將嬰爾身蜀
之不可往北客歸去來兮

其東則有大江溟溟下絕地垠百谷相吞出於荆門突怒吼割附
于太白游瀾澎湃會于滄溟跳噴浩淼上飛飛鳥蹙縮盤渦下游

龍巖三峽兩壁亂峯如戟岷岷屹崿湏洞劃堦高于天雲雲外水
積晝日無光其下黑窄瞿塘無底淺處萬尺啼猿哀哀腸斷過客
復有千歲老蛟能變其身好飲人血化為婦人銜服靚粧遊于水
濱五月之間白帝之下洪濤塞峽不見淵翻天蹙地霆吼雷怒
亦有行舟突然而去人未及顧權未及舉瞥見陽臺不辨雲雨千
里一歇日未移午須臾里嵐暴起拔樹震山石走砂飛波騰浪翻
舟子失據摧檣折竿漩入九泉沒而不還文體糜散蕩入石間水
族呀呀拔刺爭食蜀之東不可往北客歸去來兮

其西則有高山萬重峻極屬天西有崑崙其峯相連日月迴環闕
于山巔巖崖盤嶽天壁竄絕陽和不入陰氣固閉千年增冰萬古
積雪谿寒地坱谷凍石裂夏月草枯春天木折蒼烟疑兮黑霧結
人墮指兮馬傷骨江水噴激迴盤紆縈棧壁緣雲鈎連相撐繩梁
嵒虛傍沓杳冥下不見底空聞波聲過者矍然亡魂喪精復引一
索其名爲笮人懸半空度彼絕壑或如鳥兮或如猿倏往還來幸
不落或有豪猪千群努鬣射人寒熊孔碩登樹自擲見人則擊巨

麋如牛脩角如劍餓虎爭肉吼怒闕闕復有高崖墜石兮聲若雷
之軒轟上敲下磕似火迸兮蒲山流星礪溪忽兮倒流林岸爲之
顛傾碎騰抗與過鳥駭木魅兮山精飛石獸人兮不可行西有大
戎與此山通形貌類人言語不同擅盧隆穹毛髮蒙茸啜酪啖
肉持槍挾弓依草及泉務戰與攻其聲如犬其聚如蜂中國之人
兮或流落於其中豈只掘鼠茹雪以取活終當鉞其足而累其臂
位漢月於西海思故鄉於北風蜀之西不可往北客歸去來兮
其南則有功竿之關天設險艱少有平地連延長山橫巨廬江隔
閭百蠻吁彼漢源上當漏天靡日不雨四時霽然其人如魚爰處
其泉終年霖淫時復日出折折諸犬向天吠日人皆寢寢偏死甞
疾復有陽山之路毒瘴下凝白日無光其氣溼溼暑雨下淫黃茅
上蒸南方之人兮不敢過豈止走獸踣兮飛鳥墮吾不知造化兮
何知此方些蜀之南不可以往北客歸去來兮

其北則有劍山巉巉天鑿之門二壁豁訝高崖嶙峋上拄南斗傍
鎮子坤下有長道北達于秦秦地神州中有聖人左右伊臯能致

我君雙闕我義上覆慶雲千官鏘鏘朝于紫宸王樓鳳皇金殿麒麟布德垂澤搜賢修文皇化欣欣煦然如春蜀之此不可以往北客歸去來兮

送窮文

段成式

予大中八年作留窮辭詞人謂予辭反之勝也至十三年客漢上復作送窮祝是年正之晦童推戲爲送窮船判筒而槽比擇而問細泉纒幅楮飾木偶家督被酒請穰窮將酹地歌舞予謂窮曰予送非噫餘麻衣感循陰索隙管葦淪餅直胆涎溼著非寒哭族燐敗衣網身惡覲牆間公嘯凄辛者非嚇去現族巫欺癡燒衰燼數渚泉擾狎狐狸者噫有才歎升窄腹腸噓喀幾童其筆燥心汗滴以是而歿者去此三有開卷數幅空心妨去目龍裘經攻史方寸日戚足以是而歿者去此三有議古酌今左陵右侵麓垤酒泐短淺不禁以是而歿者去此三

責龜文

王岳靈

萬物之貴者人也人惟秀介蟲之智者龜也龜惟神隱括無形神

之謂也。窮通有極，秀之謂也。況天之與人，其道甚遠，不有以也。將何遠焉？則吉凶之祥，假子以告，變化之象，因子以明。欲愛謀稽疑，必先弊見。命宜蠲割，誘慕展布，心腹子無欺於人人，有望於子。成天下之亶亶，豈不率道與？何諸呂弄權，昭大橫於漢帝，帝辛毒痛，匪告繇於周武，揆惡之輕重也。呂之惡，不淨于辛，量德之休明也。昌之德，靡及於發子，二其行，誰不解躄矣？夫義禮之興也，信身之幹也。何陳氏之母不疾而稱疾，魯孫之臣卜偁而告義喪於禮失，其徒寔繁，吾不殫悉。考夫演卦繇者，著也，著之靈而不如子之長定妍媸者，鏡也。鏡之明而不如子之知銘乎竹帛，万代不泯，奚起予楮俾吾反惑於古人，孰謂子原天地之美，達五行之理，徒使疏淪淩雪，仰止蒙求，曾莫之校，何異乎曹丘生遇拒季布，善助已虞國僑哉？必以剝桂刻漆，非林木所願，拔鵲裂冠，非禽鳥所欲，當潛伏齋澹，遠禍，曾吾九江錫命，其可得乎？豈不免氓之蚩蚩，熒惑於耳目也。

主張於地之血脉者豈不曰水伯乎爾自獸爲身面爲人控率兩
龍窟宅百谷億有祀矣故數倫於元氣之液弄權於坤輿之竅所
云老而不死是謂之賊伊我謂爾有是夫何者三載二月春服旣
成冠者五六人才子六七人皆簪揚文精開闔武庫游嬉壽晝公
洄江干興飛壯心舞曳齒胃皆貳白龜之德不負赤鯉之本爾何
爲陰發暴殄潛生毒痛箕櫛階於沙岸垣死府於花鳥茹數子者
皆載垂堂之誠爾始若懸流三十仞跳沫四十里固應尊而不親
豐豈相及爾岸不崢嶸流不唐突設人所倚之福陷爾孔易之誘
泝水銜貫堅之功舫聲之如蜩蟻捫空呼天迄死不救倏恣化魚
之惡誰下拜牛之惠溺我國寶豈明時弃珠之泉沈彼綵船實玄
夜藏舟之壑與失觀石山四耳之獸夢潁川一角之人置于大江
未匹斯甚使揭竿求父之子投牋請弟之兄奏瑩篋傷妻之夫
厲波濤徇婚之婦罹其凶害不忍荼毒並告無辜于上下神祇行
哭失至於爾安乎爾今肆行賊虐者豈不謂性與習成乎何哉曩
者溺孫興公於後湖之中淪炎帝女於東海之上化鼈龜於黃氏之

母爲魚於歷陽之郡爾應恃以舊捷蔓其後圖殊不知事不欲數
數斯辱矣惡實已滿天命誅之然今歷視爾自昔爲過之所或天
涯或地已起於侯甸之外且非輦轂之下豈比今日俯九門臨四
達使哀聲悲鄉音且及聰聽爾誰欺欺天乎然曲江者南峙仙閣北
距靈宮足可効赤水產黃帝之珠胡爲殲蒼生禍司命之契況之
人也皆編中華俗游無何鄉所異猛火烈山而莫焚大浸稽天而
不溺既遇爾省括捨之中縱使飯術解漂之餌山經不沈之木豈
可免爾之圖乎茲中江自首創至于今時數千里子更代易主島
流波耗纔可接腋於井蛙詎持顛於海蛟爾之所處豈不狹隘乎
人之所賞豈有舳艫乎逮天寶載我皇恢土德以博之寶澤流
以濟之積潤下之波瀾用濟川之舟楫豈不謂幸於爾也爾何滿
以致隘凶以自斃使彼都人士自此之後懼爾同失神之海惡爾
其探手之湯匪徒歇爾盛事過自掇也雖悔可追然靈苦尊於君
人時莫美於陽春君固愛人種德秉春宥罪自圖去桎梏爾
奚得恃宅無聞括守有曲襲不幸於山獄之候繫餘殃於積慶之

家僕謂數子叫天曹訴地府黜爾主職在於斯湏不然僕見欲上
書於承明廬徵留近速周處擊劒長逐孽波深搜爾居遁逃則
用僥東請長臂者灑灑之又於雄棠北使長股者馮踐之不然邀
離朱以視之命宋定以縛之然後調馬梅扇獸炭是息是醢以報
東門爾儻若混空隱形和水匿象則使牛曳蛇尾絕其本根縱逢
山見彘毛終難必復矣僕亦宜念五六日至于旬時恐爾有詞曰
予不誠視成不令而行攷矢在弦上垂而未發儻能易轍僕則既
往不咎若爲刻舟爾則何辭以對徐察爾變惟審圖之

文粹卷第三十二

文粹卷第三十三

文丁 總十三首

吳興姚

鉉

纂

傷悼

弔古戰場文

弔國殤文

弔九江驛碑林文

悲剡溪古藤文

弔韓弁沒胡中文

哀二良文

奠相國令狐公文

祭韓侍郎文

祭獨孤常州文

祀呂衡州化光文

爲常州獨孤使君祭李貞外文

祭柳子厚文

祭柳柳州文

祭亡友故楊州功曹蕭公文

歐陽生哀辭 附

弔古戰場文

李華

浩浩乎平沙無垠，曠不見人。河水縈帶，群山糾紛。黯兮慘悴，風悲日曛。逢斷草枯葉，若霜晨飛。下獸震亡，羣鳥長告。余曰：此古戰場也。常覆三軍，往往鬼哭，天陰則聞。傷心哉！秦越漢魏，將近代歟？吾聞夫齊魏徭戍，荆韓召募，萬里奔走，連年暴露。沙草晨牧，河冰夜渡。地闊天長，不知歸路。寄身鋒刃，膺臆誰訴？秦漢而還，多事四夷。中州耗斁，無世無之。古稱戎夏不抗，王師文教，失宣武臣用。

奇奇兵有異於仁義王道迂闊而莫爲嗚呼噫嘻吾相夫北風振
漠胡兵伺便主將驕敵期門受戰野豎旄旗川迴組練法重心駭
威尊命賤利鏃穿骨驚沙入面主客相搏山川震眩聲折江河勢
崩雷電至若窮陰凝閉漂冽海隅積雪沒脛堅冰在脰勢窮鳥不巢
征馬踟躕繒纒無溫隨指刻衣膚當此苦寒天假強胡憑凌殺氣以
相剪屠徑截輜重橫攻士卒都尉新降將軍復沒屍填巨壑之岸
血滿長城之窟無貴無賤同爲枯骨可勝言哉鼓衰兮力盡矢竭
兮弦絕白刃交兮寶刀折兩軍厭足兮生死決降矣哉終身夷狄戰
矣哉暴骨沙礫鳥無聲兮山寂寂夜正長兮風淅淅魂魄結兮天
沉沉鬼神聚兮雲幕幕日晝寒兮草短月色苦兮霜日傷心慘目
有如是耶吾聞之牧用趙卒大破林胡開地千里遁逃匈奴漢傾
天下財殫力痛任人而已其在多乎周逐獫狁北至太原旣城朔
方全師而還飲至策勳和樂且閑穆穆棣棣君臣之間秦起長城
竟海爲關荼毒生人萬里朱殷漢擊匈奴雖得陰山枕骸徧野功
不補患蒼蒼蒼蒸民誰無父母提攜捧負畏其不壽誰無兄弟如足

如手誰無夫婦如賓如交生也何恩殺之何咎其存其沒家草間
知人或有言將信將疑娟娟心目寢寐見之布奠傾觴哭望天涯
天地爲愁草木悽悲弔祭不至精魂無依必有凶年人其流離嗚
呼噫嘻時耶命耶從古如斯爲之奈何守在四夷

弔國殤文

張說

北伐兮東胡颯遼陽兮孤竹偏師兮覆衆在崇山兮峽谷露瓦
兮蔓草風蓁蓁兮掛木見馬血兮夜燃聞殤魂兮南哭君王按金
鼓而氣憤撫珠鈴而淚滋橫萬里兮抽恨弔羣山而寫悲對凶將
兮我辱悼勇夫之狄壘彼前驅兮未遠何後來兮不追對死地兮
出陣臨傷門兮用師軍奪帥兮虹食盟車脫輻兮火焚旗有纛
兮懷矣無范宣兮愧之命窮迹兮短兵錯膚鈍刀兮血染鏐旅殘
潰兮棄組練山猶號兮谷餘戰殪原野兮奈何違君親兮不見於
戲何天命之奄忽俾仁義之治兵爲蠻夷之俘骨骸六校之飛將
鎮五營之勁卒吾見出兮不歸噫名存兮身沒

弔九江驛碑材文并序

歐陽詹

弔傷而有辭者也噫九江之驛碑其可興辭而弔歟斯碑之材昔
太師魯國顏忠肅公所建祖亭之碑也公素負辭華茂之銘誌多
公之辭又好採異留名之致頃爲湖州牧州產碑材石每使工琢
之與辭兼行磨龍臺而成常心使用者不可勝數斯碑也終山之窮
僻得之於自然跌本有龜護頂有螭雖不甚成而擎踞憤興如神
如靈公神而珍之精選所處湖州無稱立罷守歸朝載而途不出
蘇臺入毗陵亦無稱立轉丹陽遊建業亦無稱立次江州州南有
湖湖東有山蛟奔螭引直到湖心顏址之處則茂林峭石勢環氣
勝非往時所睇而神祠曰祖將軍廟在焉公覩其詭秀與碑材叶
卽日以酒脯奠其祖神出錢五萬造亭曰祖亭南香廬峯北潯陽
城九江爲庭千艘歷榭亭旣就公製亭之文手勒斯碑而立之公
文爲天下最書爲天下最斯亭之地亦天下最庶矣三善加以斯
碑之奇相持萬古而採異留名之致一得也後典州吏於州之九
江驛有脩坏之勞狀其末績乃取斯碑刻公之述實已之述今爲
九江驛之碑焉予旅遊江州稅于茲驛祠部貢外郎鄭慈同之鄭